

問水集卷四

奏議

總理河道都察院右副都御史臣劉天和

議築曹單長堤疏

為會計預備嘉靖拾肆年河患事據山東等處提刑按察司整飭曹濮兵備兼管河道副使呂陶呈據兗州府管河同知戴纓呈勘得曹縣地方梁靖口東行岔河於嘉靖拾叁年拾月以來淤塞斷流見今調派人夫數萬名挑濬淤淺運道數百里并修理閘座所費錢糧不貲誠恐春夏黃水發長復衝魚臺等處則前工盡棄照得梁靖口東行岔河

問水集卷四

一

口必須先築壓口縷水堤壹道長叁里以防黃水東衝壹面將曹縣捌里灣起至單縣地方侯家林接舊堤頭止未完長堤捌拾里應該修築大堤壹道根闊伍丈頂闊壹丈伍尺通融折筭自頂至根闊叁丈貳尺伍寸高壹丈取土遠近不等酌中每方廣壹丈高陸寸為壹工每丈該伍拾肆工每里該玖千柒百貳拾工每夫做陸拾工每里該夫壹百陸拾貳名外總小甲大頭拾貳名共壹百柒拾肆名捌拾里共夫壹萬叁千玖百貳拾名每夫壹名該分工壹丈壹尺壹寸零實做工兩箇月可完

外採柳栽柳用夫壹百捌拾名共用夫壹萬肆千壹百名遵照總理河道劉都御史案行規制密栽卧柳低柳深柳行及伏秋必將長茂根株盤結自可備其復衝則運道功成保無患害矣及照築隄合用人夫數多查得黃河原額均徭白夫共叁千柒百名外該調大名府鋪河夫叁千叁百伍拾名仍令每夫壹名添顧壹名共夫壹萬肆千壹百名內均徭河夫自備工食外顧募夫每日工食銀叁分相應於河道銀內支給其岔口縷水堤量調曹縣等處近放回下叁則原編白夫壹千餘名修築

庶使大工早完等因到道據此覆議得謹始所以慮終有備斯保無患故為長久之計者當為遠慮而憚目前之勞者必貽後憂先年黃河善決東逼運道蒙總理河道侍郎潘 修築長隄壹道以防奔潰以障漕河自曹縣娘娘廟直抵沛縣綿亘百餘里巋然尚存但彼時或因財力不敷或因人言阻撓中間未築隙隄自捌里灣以及侯家林上下捌拾里缺而未合設使當時前隄果就黃水無路可通魚臺金鄉單縣等處豈至滄沒運道閘座豈至淤塞如今日哉識者每每恨之今黃河既已

南趨不藉行舟積於空虛之地而運道見行修濬  
會集財力將圖永久之規前項長隄若不早為接  
築壹萬今復黃水復至衝壞閘座淤填漕河阻滯  
糧運則工力徒費

國計何賴誠直早見而預待之非小小舉措也所  
據接築前隄并岔河口添築壓口縷水隄壹節既  
該本官勘議停當俱應依擬施行則黃水不復為  
患運保永保無虞矣開呈照詳到臣案照先准工  
部咨為河道遷改分流隨宜防禦事該臣等題工  
部覆議看得總理河道右副都御史劉 題稱

問水集卷四

三

黃河南徙則其利盡失而害獨存必須大濬河道  
淤淺修復閘座以復舊規相應依擬將府州縣該  
調夫役選委官員分部俱限明春正月拾伍日以  
前赴工及稱黃河水性無常來春仍或復入故道  
亦要相度機宜量為經理題奉

聖旨依擬欽此備咨到臣已經通行欽遵去後今  
據前因竊惟我

朝建都上游永樂間

特命尚書朱禮大發山東丁夫拾陸萬伍千疏濬  
濟寧北至臨清前元會通河參百餘里增建閘座

宋

導引汶水及山東諸泉以通漕運為  
國計萬世無疆之利百餘年間未聞大加挑濬縱  
遇淺澀或天旱泉微亦不過盤剝寄頓及到灣稍  
遲爾初未嘗有淤塞不通之患亦未始資水於黃  
河也又且上自河南原武下至山東曹孫柴捌百  
里間每歲於黃河北岸築隄捲埽防其北徙勞費  
動以億計往歲河決張秋大傷運道是其明驗自  
黃河入徐沛舟行閘面皆以為順利矣然亦不過  
貳百餘里爾而上至南旺北至臨清伍百餘里間  
則仍全賴汶水諸泉之利也議者泥近小而昧遠

問水集卷四

四

大臣竊惑之適年河漸北徙將及濟寧矣淤填河  
道廢壞閘座衝廣河身阻隔濟寧以下諸泉是其  
為害豈小邪今壹旦南徙至役肆省之民以疏濬  
河道修復閘座勞費不貲壹萬今歲復入運河則  
數百里間必將復淤前功盡棄為患愈大矣臣等  
前議濬河未及築隄者蓋慮工役并興恐顧此失  
彼為慮猶未周也是以工部議行臣等相度經理  
蓋此事預防欲收全功為一勞永逸之圖誠為  
國計至慮仰荷

俞允已行欽遵各官所議前隄委應修築但沛縣

以下黃水久衝河道廣闊倘遇天旱泉微未見淺  
澀稽遲糧運及照徐呂貳洪與閘河不同必賴黃  
河之水然後深廣利濟是以臣等貳次疏內議稱  
若果將來糧運阻塞事勢迫促方將黃河量加導  
引下出泥河為甚不得已壹時之權然勢難兩遂  
今幸趙皮寨南徙黃河於嘉靖拾叁年秋冬忽自  
河南夏邑縣地名太丘回村等集陸續衝開數口  
下注山西坡湖轉向東北流經直隸蕭縣城南仍  
出徐州小浮橋口下濟徐呂貳洪殆由  
天相川靈效順不假人力見今貳洪舟行無阻春

問水集卷四

五

夏水長必愈深廣矣其沛縣以下將來如果水流  
散漫舟行淺澀臣等自當多方竭力隨處疏濬俟  
數百里淤塞既通肆省民力息肩之後又當廣詢  
長策別圖久遠目前惟當權其輕重緩急先濬運  
河以通漕舟補築長防以防黃河以保運河而已  
若預計利害曲為趨避過為疑慮以隳近功則臣  
之罪大矣固亦臣所不忍以仰負

陛下自負平生者也除遵照該部覆議題奉  
欽依內事理欽遵備行副使呂陶督率同知戴纓  
通判陳萬言等相度經理調領河道人夫動支河

道銀兩依銀修築前隄工完具  
奏及行直隸河南山東各管河副使將蕭縣新開  
并梁靖舊口河水再加疏導接濟二洪外具題工  
部議覆看得挑濬淤淺以除運河之患增築隄岸  
以防黃河之決貳者相須不可缺壹既經議處停  
當相應依擬修築務使隄岸堅固壹勞永逸所據  
蕭縣新開并梁靖舊口河水接濟貳洪亦為緊要  
其直隸河南山東各管河副使再加疏導以免淺  
涸之虞務各勉盡心力不分彼此庶克有濟如有  
怠職誤事以致阻滯糧運指名叅究等因奉

問水集卷四

六

聖旨依擬欽此

薦舉方面疏

為薦舉河道方面官員事臣奉

命總理河道已嘗閱歷山東河南直隸等處凡利  
病之咨詢修濬之方略與夫徵調督理多於藩臬  
長貳及管河守巡兵備等道是賴固非臣壹人之  
身所能周知而獨任也除到任太淺者未敢遽舉  
外其間識足以達變材足以任事凡有裨於河道  
者臣誠不敢蔽謹遵

勅諭壹壹為

陛下陳之在山東如布政司左布政使張欽持守  
不阿臺憲之風裁久著出納惟慎藩宣之譽望尤  
彰右布政使秦鉞材猷練達亦既效于累遷器量  
宏深自可期其遠到先任按察使今陞浙江右布  
政使范輅剛方不拔之操遇坎坷而已彰清慎有  
為之譽隨遷轉而益著先任分守東兗道叅政今  
陞河南按察使李顯性恬澹而守不移材練達而  
事克濟先任曹濮兵備兼管河副使今改廣東提  
學周瑯學術純正歷中外而資望已深器度端凝  
治河防而勤勞久著在河南直隸如布政司左布

政使孫懋官久而持守不渝政繁而馳張得體按  
察司帶管河副使唐符練達之材勤勵之政河防  
兼理勞績居多管河副使胡宗明穎敏之資隨所  
處而施無不宣精練之材隨所至而事無不舉憲  
度尤嚴河政有賴潁州兵備帶管徐州兵備兼管  
河僉事李宗樞厚重不撓之器度遠大堪用之材  
猷兼理河防議處精當之數臣者是皆有裨河道  
壹時之良其餘藩臬雖賢顧於河道無關臣殊不  
得而槩舉也如蒙乞

勅吏部再加查訪如果臣言不謬將張欽等量其

年資以次擢用則庶官知勸河政修舉而  
國家亦允有賴矣

舉劾有司疏

為舉劾河道有司官員事臣奉

命總理河道凡掌印管河及帶管河道有司官員  
舉嘗留心詢訪或驗諸施為或審諸輿論其間有  
益河道及怠政殃民者舉不敢蔽蓋匪惟河政之  
興廢所繫而民生之休戚攸關况當考察庶職之  
期謹壹壹為

陛下陳之如直隸河間府知府喻茂堅年資深而

問水集卷四

譽望累彰於薦剡事體練而勤勞兼著於治河揚  
州府知府侯秩正大不阿之操精練有為之才山  
陽縣知縣王汝楫地當繁難政皆修舉山東兗州  
府管河同知戴纓才足勝劇事不避難河南睢州  
知州胡瑞節財愛民之譽已彰治隄衛民之績尤  
著祥符縣知縣劉九容令嚴而邑事畢舉才敏而  
河政兼修此皆有裨河道政亦宜民所當薦揚者  
也如山東金鄉縣知縣王宇坐視水患志惟亟於  
征求任用匪人利交通於關節單縣管河主簿馬  
琇老病艱於拜起貪求志在圖歸河南原武縣典



史董昌修堤侵剋託疾逃避此皆怠政殃民亟當  
罷黜內董昌猶合提問者也山東汶上縣知縣沈  
暄兩耳頗覺重聽百務悉皆廢弛但到任常淺似  
應仍改教職者也山東兗州府管河通判丁鵬材  
暗劣而驅策不前事糊塗而遲誤已甚夫役數盈  
柒千名河道遠逾貳百里責任繁重委難支持始  
猶勉強而操守未虧近因戒飾而志向漸異况今  
工役繁興決非庸才可濟滕縣知縣林春壹令不  
行諸務廢閣河夫累百舉不赴工河南永城縣知  
縣戴亨河徙而民瘼罔知才弱而吏弊滋甚此皆

問水集卷四

九

才力不及內丁鵬年力未衰林春操守未虧戴亨  
歷任未久授以簡僻尚堪効用此則似應改調者  
也伏望

皇上軫念治河重務

國計所關掌印管河責任均重乞

勅吏部再加查訪如果臣言不謬將喻茂堅等以  
次擢用王宇等速加罷黜內董昌仍行提問沈暄  
仍改教職丁鵬等量調簡僻則舉措攸宜河政無  
誤而  
國計亦允有賴矣

改設管河官員疏

為復設管河官員以專責任事據河南按察司管河副使胡宗明呈查得接管卷內先該原任本道副使齊之鑾汪濬并帶管副使唐符呈節據開封府管河同知王景明蘭陽縣知縣白汝翼等各呈前事要於蘭陽儀封封丘原武肆縣復設管河主簿歸德睢州添設管河判官各壹員專管本州縣河堡夫役錢糧等因俱經具由通呈向未蒙示添補切照黃河為患由來轉徙無常以故沿河設官亦因而增減不壹比與他官可以預定而額設者

問水集卷四

十

不同先年原武蘭陽儀封等縣各設有管河官壹員必非得已至嘉靖玖年止存鄭州及陽武祥符考城等縣共官肆員餘皆裁革雖云奉例實因壹時河勢緩急以為去留近該本道巡歷濱河壹帶州縣除武陟以上未暇備陳自原武下至封丘河漸北徙縣南長隄日被大河侵削原武去河只數里封丘僅拾餘里雖有護城縷水新隄而隄防捍禦歲無寧息蘭陽儀封而下勢益危迫近因河經趙皮寨地方分而為貳蘭陽濱寨之西北儀封濱寨之東南肆分伍裂腹背受水至於睢寧則又分

而為貳壹由歸德夏邑永城以達徐淮名曰挑河  
壹由寧陵柘城鹿邑以達亳泗名曰渦河緣上流  
趙皮寨分奪大河拾之柒捌而下流新隄淺狹勢  
不能容以故瀰漫沮洳急宜經制况原武西有紅  
荆口東北有黑洋山封丘南有荆隆口蘭陽北有  
銅瓦廂張村集儀封東北有黃陵岡睢州所屬有  
蔡家口要皆黃河往日奔決故道今當逼近河流  
或直當河衝其關繫於地方運道者如此且原武  
有王村廠封丘有荆隆廠蘭陽有銅瓦廂張村集  
貳廠儀封有于家廠各有節年收買物料錢糧歸

睢雖未設有廠分每歲修築疏濬之費動以萬利  
其關繫錢糧出納者又如此近雖暫委州縣佐貳  
或首領官管理徃徃交代不常緣以為姦虛費無  
補皆由於此甚至陰醫義官射利無耻之徒夤緣  
充管則其害又有不可勝言者為照治人治法之  
有無自昔皆然而任法任人之優劣于今尤切本  
職猥以庸材叨茲重委且親臨目擊動慮乏人職  
守所關不容緘默乞軫念河患重務備查本道節  
次呈請會議轉達於濱河緊要州縣添設州判縣  
丞等官各壹員專管本州縣地方河防兼理壹應

錢糧庶河患有備而無虞責成有官而非冗矣呈  
乞照詳等因到臣會同巡撫河南都察院右僉都  
御史簡霄巡按河南監察御史蔡駿議得河患有  
緩急故建官之因革以之副使胡宗明所呈河患  
利害亦已明備蓋河分流則山東河南均受其害  
今全河南徙則河南壹省獨受其害矣上自蘭陽  
儀封下及歸德睢州寧陵永城夏邑等縣皆當河  
之衝洪流衝盪巨浸沮洳民患已極誠可矜憫而  
原武正當上源黃河北衝故道封丘則先年比衝  
荆隆等口在焉况黃河上流勢猶北徙運道所關

最為要害疏導隄防卒歲弗寧支費錢糧動以萬  
計誠不可無專官管理臣等復慮因事設官過省  
固廢事然過冗則擾民查得陽武原武道里甚近  
而原武河患尤切合無裁革陽武見設管河主簿  
壹員却於原武復設主簿壹員兼管貳縣河道其  
封丘蘭陽儀封叁縣管河主簿委應復設睢州應  
添判官壹員兼管柘城縣歸德應添判官壹員兼  
管寧陵永城貳縣各河道惟夏邑縣境內黃河今  
歲改流壹支東北經蕭縣出徐州小浮橋口下濟  
徐呂貳洪至為緊要蓋黃河舊由梁靖口濟貳洪

之水今已甚微勢將淤塞貳洪運道全藉此水導引疏濬關係至重合無特設主簿壹員管理庶因革損益各適於中官非冗而事不廢矣如蒙乞勅吏工貳部再加詳議如果臣等所言不謬將陽武縣管河主簿裁革原武封丘蘭陽儀封肆縣各管河主簿照舊復設睢州歸德州各管河判官夏邑縣管河主簿各添設專理河道兼管錢糧則責任專壹而民患賴以少紓運道利濟而國計賴以不匱矣

急缺管河官員疏

問水集卷四

十三

為急缺管河官員事嘉靖拾肆年參月拾伍日臣於魚臺縣督理濬河工程忽得邸報知管河工部郎中鄭鋼已蒙

欽陞浙江嘉興府知府本官管修大工幸已垂成惟俟憑至赴任但本官所管河道北自沛縣南至瓜洲儀真千有餘里今春正月以來因徐沛運河事重晝夜在工濬河修閘固敢少違以是淮陽之間凡湖隄壩堰祇能委官分修防獲未遑躬親督理目今正值糧運盛行况徐沛河道新開之際誠不可壹日缺官管理若候陞任新官至日無不遲

誤竊照近蒙

欽准添設修河工部郎中涂槌原擬工完奏  
請別用目今工已垂成况本官性資明敏材猷練  
達凡所經畫上下咸宜若任之管河誠為有益伏  
望

皇上軫念漕運事重

國計所關就近設官事體甚便乞  
勅吏工貳部計議即將涂槌改註管河請  
勅行事則建官惟人而河政亦允有賴矣

